

## Dedication.

ermuntern die gemühter durch die geheimnussen/so in ihnen verborgen/zu contemplieren vnd zu betrachten die hohen Wunderwerck Gottes. Durch sie werden die zeiten vnd quantiteten vnderscheiden vnd abgetheilt: auch die Länder/Stätt/Bestungen vnd sonderbare Gebäw abgetheilt/auffgerissen/vnd ins werck gesetzt/Schlachtordnungen gemacht/die Feldlager in grund gelegt vnd abgesteckt: wie auch alle Weitenen/Höhenen vnd Tieffenen zu mässen/das Geschütz/Minen vnd Prucken darnach anzustellen vnd zu richten. Weiter so geben sie allerley kunstliche Mechanische Instrument/in friegs wesen vnd andern Künsten zu gebrauchen/wie sie dann auch allen Rauff-vnd Handelsleuhten / vnd allen ehrlichen Handwercken die handreichung thun/mit Gewicht/Maasz/Abtheilung/vnd Zalen/wie solches durch Geistliche vnd Weltliche Historien/wie auch durch die täglich Erfahrung zu beweisen/wie dann in heiliger Schrift hin vnd wider vom Gewicht/Mässen/ Abtheilen/ vnd Lager schlagen 2c. meldung geschicht: als im andern vnd vierten Buch Mosis/im Buch Josue/beym Esaja/Jeremia/Ezechiel/Amos vnd andern. So sind sie jeder zeit von fürnemmen vnd gelehrten Leuhten in hohem ansehen gewesen/ dann Josephus bezeuget in den alten Geschichten/das nach dem sie zu den Chaldeern gelangt/ein merckliches haben zugenommen/durch den grossen fleiß des Patriarchen Abrahams. Von den Egyptiern sind sie nicht weniger hoch gehalten worden/da sie jährlich ihre Güter durch die Geometriam auftheilen müssen/wegen der vberschwemmung des flusses Nili. Welche endlich von den Egyptiern zu den Griechen durch die geschicklichkeit Thaletis Milelij, vnd Pythagoræ Samij, vnd anderer gebracht worden/welche durch liebe zu lehrmen/sich nicht geschewt haben die hohen vnd tieffen Meer-

zu